

مط الكلام أنتهى

بقلم الأستاذ : عبد العال المصرى

يا مفسرين السلام .. بالأمن .. والتوسيع !
ومزوقين رايكم .. بالغش .. والتشنيع !
نقض العهود .. عندكم .. له ف الكتب تشريع !
هو السلام يا (بجين) .. نهب الديار والمال ؟
ولا السلام حرفنه .. فيه نشترى ونبيع ؟

* * *

ريسننا ياما اقترح .. للمشكلة ميت حل !
سافر لكل الدول .. لا يوم زهق ولا مل .
والكبر فى طبعكم .. خلى السلام يتشل !
انسوا الكلام دا بقى وافتكروا اكتوبر
ارض العرب مقبره .. للفاصب المحتل .

* * *

شيلوا الغشاوه .. اعقلوا .. نور السلام يسطع !
نجم السلام - لو افل - مين يضمنو يطلع !
مط الكلام - انتهى - عمره ما راح .. ينفع !
الأرض لازم تعود .. والانسحاب كامل .
با اما نحمل سلاحنا وللميدان نرجع